



АКАФИСТ

Пресвятой Богородице
в честь иконы Ее
«Неупиваемая Чаша»



Тропарь, глас 4

Днесь притецём вѣрнии/ к Божѣствен-
ному и пречудному образу Пресвятѣя Бого-
мáтери,/ напояющей вѣрных сердца/
небѣсною Неупивáемою Чáшею Своего
милосѣрдия/ и людем вѣрным чудеса
показующей./ Яже мы видяще и слышаще/
духовно прáзднуем и тѣпле вопиѣм:/ Влады-
чице премѣлостивая,/ исцели нáша недуги
и страсти/ молящи Сына Твоего Христа Бóга
нáшего// спасти дýши нáша.

Кондак, глас 6

Предстáтельство христиáн непостыд-
ное,/ ходáтайство ко Творцу непреложное,/
не прѣзри грѣшных молѣний глáсы,/ но
предварѣ, яко Благáя, на пóмощь нас, вѣрно
зовущих Ти;/ ускори на молѣтву и потщѣся
на умолѣние,// предстáтельствующи прѣсно,
Богородице, чтущих Тя.



Акафист Пресвятой Богородице в честь иконы Ее «Неупиваемая Чаша»

Кондак 1

Избранное и дивное избавление нам даровася — Твой образ честный, Владычице Богородице, яко избавльшеся явлением его от недугов душевных и телесных и скорбных обстояний, благодарственная хваления приносим Ти, всемилосердная Заступнице. Ты же, Владычице, Неупиваемую Чашею нами именуемая, приклонися благоутробно к нашим воздыханием и воплем сердечным, и избавление подаждь страждущим недугом пьянства, да с верою воззовем Ти:



**Ра́дуйся, Влады́чице, Неупива́емая
Ча́ше, духо́вную жа́жду на́шу утоляю́-
щая.**

Икос 1

**А́нгельстии чы́ни и пра́вед-
ников со́нми непреста́нно сла́вят
Тя, Цари́цу Богоро́дицу, Ходатаи́цу
о многогрéшнем ро́де христиа́нством,
погряз́шем в беззакóнных и пребы-
ва́ющем во гресéх, и́бо во утешéние
и спасéние да́руеши ему́ ми́лость Свою́
через многоимену́емая чудотво́рныя
ико́ны Твоя́, и́хже, я́ко звéзды небéсныя,
по всей земл́и на́шей зрим; к еди́ному
же из сих о́бразов, «Неупива́емая Ча́ша»
имену́емому, припа́дающе, из глубины́
се́рдца взыва́ем Ти:**

**Ра́дуйся, непристу́пнаго Божества́
селéние; ра́дуйся, непреста́нное
люде́й удивлéние.**



**Ра́дуйся, скорбьми́ грехи́ наша
очища́ющая; ра́дуйся, печа́льми
наша немо́щи врачу́ющая.**

**Ра́дуйся, ми́лость Свою́ чрез чудо-
тво́рныя ико́ны Твоя́ нам свѣше
посыла́ющая; ра́дуйся, явлѣнием
их ско́рбныя сердца́ наша возвесе-
ля́ющая.**

**Ра́дуйся, пречу́дное всех с Бо́гом
прими́рѣние; ра́дуйся, ге́енны
вѣчныя изба́влѣние.**

**Ра́дуйся, Влады́чице, Неупива́емая
Ча́ше, духо́вную жа́жду нашу утоляю́-
щая.**

Кондак 2

**Ви́дящи, Пресвята́я Влады́чице,
ско́рби серде́чныя, му́ки душе́вныя,
и́скреннее пока́яние люде́й, одержи́мых
губи́тельным поро́ком пи́ан-
ства, благово́лила еси́ яви́ти богоспа-**



са́емому гра́ду Сёрпухову мѣлость
Свою́ явлѣнием пречу́днаго о́браза
Своего́ «Неупива́емая Ча́ша», да вси
к нему́ припадающе с вѣрою и сокру-
ше́нным се́рдцем, получи́вше исце-
ле́ние от тяжкаго недуга́ своего́, из
глуби́ны душі́ вопию́т Бо́гу: Аллилу́иа.

Икос 2

Разуме́в трикратное явлѣние препо-
до́бнаго Варлаа́ма и повелѣние его́
в путь ше́ствовати в богоспаса́емый
град Сёрпухов, челове́к не́кий, стра-
стию́ пи́анства одержи́мый, обре́те
та́мо в монастыре́ ико́ну Твою́ святу́ю,
«Неупива́емая Ча́ша» имену́емую. Мы
же, ви́дяще таково́е о нас, грѣшных,
попече́ние, с благоговѣнием вопи́ем Ти:

Ра́дуйся, чрез благочесті́вых люде́й
сла́ву чудес Твои́х грѣшным откры-
ва́ющая; ра́дуйся, Путево́дитель-



нице прозорливая, путь спасения им показующая.

Радуйся, всеблагая наша Наставнице, любовью Твоею нас привлекающая; радуйся, за вся благодеяния Твоя благодарению нас научающая.

Радуйся, скорбь нашу в радость претворяющая; радуйся, несомненною надеждою нас увеселяющая.

Радуйся, губительныя страсти наша разрушающая; радуйся, благим намерением способствующая.

Радуйся, Владычице, Неупиваемая Чаше, духовную жажду нашу утоляющая.

Кондак 3

Сила Вышняго и благодать Владычицы укрепляше некоего человека,



страждущаго недугом пианства, егда он, нози разслабленней имуще, иде во град Серпухов, повеление Богоматере чрез преподобнаго Варлаама реченное исполняя. Пришед же во град сей, обрете икону Пречистыя Богоматере, абие исцелё от недуга своего душевнаго и телеснаго, и из глубины души благодарственно воззва Богу: Аллилуиа.

Икос 3

Имуще источник неоскудеваемый, неупиваемую чашу небесных дарований, не токмо люди града Серпухова, но и вси православнии христианы иных градов и весей притекающие к Твоему пречудному образу «Неупиваемая Чаша» именуемому, и пред сим получивше исцеление, припадающе, благодарными усты вопиют Ти:

Радуйся, Купеле, в нейже вся скорби



наша погружаются; радуйся, Чаше, ёюже радость спасения нашего восприёмлем.

Радуйся, наша немощи душевныя и телесныя врачующая; радуйся, страсти наша силою молитв Твоих укрощающая.

Радуйся, коемуждо, во всякой потребности просящим, полезная дарующая; радуйся, безчисленныя щедроты всем подающая.

Радуйся, милости сокровище нам открывающая; радуйся, милосердие к падшим являющая.

Радуйся, Владычице, Неупиваемая Чаше, духовную жажду нашу утоляющая.

Кондак 4

Бурю внутрь имуще помышлений сумнительных, но с искренним покая-



нием притекающе к Твоему неизреченному милосердию, одержимии пианственною страстию, получают исцеление, и из глубины сердца вопиют рождённому от Тебё Спасителю нашему: Аллилуиа.

Икос 4

Слыша Господь тяжкия скорби, вопли и плач жен, старниц, детей, сродницы коих обуреваемы суть пианственною страстию, дарова им, Владычице, Твою икону, от неяже вси притекающе обретают утешение и радость духовную, и вопиют Ти со слезами:

Радуйся, Агнице, рождшая Агнца, вземлющаго грехи мира; радуйся, Чаше, черплющая нам радость от Источника безсмертия.

Радуйся, скорбных матерей утешение; радуйся, безнадежных Надеждо.



**Ра́дуйся, притека́ющих к Тебе́ благо-
да́тное охранёние; ра́дуйся, скор-
бя́щих отра́до и увеселёние.**

**Ра́дуйся, волне́ние стра́сти пи́анства
утиша́ющая; ра́дуйся, ру́ку по́моци
Твоея́ тре́бующим протира́ющая.**

**Ра́дуйся, Влады́чице, Неупива́емая
Ча́ше, духо́вную жа́жду на́шу утоляю́-
щая.**

Кондак 5

**Я́ко боготе́чную звезду́, честну́ю
ико́ну Твою́ Ты нам показа́ла еси́,
Влады́чице ми́ра, ю́же мы зря́ще,
с ве́рою серде́чною моля́щися Тебе́,
Богоро́дице, глаго́лем: исцели́ пи́ан-
ством и ино́ю боле́знию душе́вною
и телёсною стра́ждущих, ве́рных же
научи́ воспева́ти хвалу́ Бо́гу: Аллилу́иа.**



Икос 5

Видяще чудеса преславныя и знаменія пречудныя, бываемыя не токмо от иконы Твоея, Богомати, во граде Серпухове явленныя, но и от по подобію сея иконы списанных изображений, припадающе к ним, смиренно вопіем Ти:

Радуйся, скоропредстательная Помощнице усердно к Тебе притекающих; радуйся, благосердная Услышательнице молений наших.

Радуйся, град Серпухов благословением Твоим осенившая; радуйся, в пределах Московских славу чудес Твоих показавшая.

Радуйся, всем требующим сокровище исцелений неоскудное; радуйся, в трезвении благоподвижающихся всемогущая Покровительнице.



**Ра́дуйся, веду́щим брань проти́ву
ми́ра, плóти, диáвола и пиáнства
дóбрая Споспéшнице; ра́дуйся,
в ми́ре благочéстно живу́щих
усéрдная Засту́пнице.**

**Ра́дуйся, Влады́чице, Неупивáемая
Ча́ше, духо́вную жа́жду на́шу утоляю́-
щая.**

Кондак 6

**Пропове́дающе чудеса́ Твоя́, Богоро-
дíteльнице, от ико́ны Твоея́, «Неупи-
ва́емая Ча́ша» имену́емая, бывáемая,
мо́лим Тя, Пречы́стая, со слезáми:
изба́ви всех нас от ви́ннаго пристра́-
стия и от падéния грехóвнаго, научи́
нас воздержáнию, подвиза́ючи воспе-
ва́ти Бо́гу: Аллилу́иа.**

Икос 6

**Возсия́ла еси́ в свéтлости Божé-
ственныя сла́вы, Де́во Богоотрокови́це,**



на Младѣнца, Превѣчнаго Бѳга, Гѳспода
нашего Иисуса Христа зряще, Иже
в сосуде, аки в неупиваемой чаше, пред-
стоит, якоже Тя видим изображенную
на иконе Твоей «Неупиваемая Чаша»
таинственно пронареченней, от неяже
избавление от пьянственных страсти
притекающим с верою даруеши, сего
ради со слезами приносим Тебе гласы
немолчныя сїце:

Радуйся, яко о Тебе радуется
и торжествует ангельский собор
и человеческий род; радуйся, яко
Твоя слава превосходит похвалы
земныя и небесныя.

Радуйся, таинственным изображе-
нием Сына в сосуде Тайну Божест-
венныя Евхарїстїи нам откры-
вающая; радуйся, рожденнаго Тобою
Агнца, всегда ядомаго и никогдаже
иждиваемаго, нам дивно указующая.



**Ра́дуйся, Ча́ше жи́зни и безсме́ртия,
ко врата́м ве́чныя жи́зни нас
приводя́щая; ра́дуйся, исто́чником
нетле́ния и ра́дости жа́ждущия
ду́ши напо́яющая.**

**Ра́дуйся, неисче́тною бла́гостию не
оставля́ющая са́мых презре́нных
и отве́рженных; ра́дуйся, от ро́ва
поги́бели милосе́рдием Твои́м исхи-
ща́ющая безнаде́жных.**

**Ра́дуйся, Влады́чице, Неупива́емая
Ча́ше, духо́вную жа́жду на́шу утоля́ю-
щая.**

Кондак 7

**Хотя́ челове́к не́кий возбу́годарити
Тя, Влады́чице, за исцеле́ние от недуга
пи́анства, украси́ Твою́ пречу́дную
ико́ну, Богома́ти, во гра́де Серге́нове
пребыва́ющую, из глубины́ се́рдца
воспева́я Бо́гу: Аллилу́иа.**



Икос 7

Но́вое чúdo в́идим, Влады́чице, от
ико́ны Твоея́ святы́я: стра́ждующий
бо недúгом пи́анства не́кий раб Бо́жий
Стефа́н, прибега́я к Твоему́ Ма́тер-
нему предста́тельству, от тяжкаго
недúга свое́го изба́вися, и благода-
ряще Тя, благоле́пными да́ры ико́ну
Твою́ украси́, и припа́дающе к ней, со
слеза́ми возопи́ Тебе́ та́ко:

Ра́дуйся, Живонóсный Исто́чнице
исцелéний; ра́дуйся, Ча́ше небéсная
Божéственных дарова́ний.

Ра́дуйся, Реко́ исцелéний присно-
теку́щая; ра́дуйся, мо́ре, вся на́ша
стра́сти потопля́ющее.

Ра́дуйся, под тяжестию греха́ пи́ан-
ства па́дающих Ма́тернима рука́ма
Твои́ма возставля́ющая; ра́дуйся,
благодáрственныя да́ры не отвер-
га́ющая.



**Ра́дуйся, сердца́ благочести́вых
люде́й возвеселя́ющая; ра́дуйся,
вся благáя проше́ния на́ша испол-
ня́ющая.**

**Ра́дуйся, Влады́чице, Неупивáемая
Ча́ше, духо́вную жа́жду на́шу утоля́ю-
щая.**

Кондак 8

**Стра́нно и сумни́тельно неvéру-
ющим слы́шати, ка́ко ико́на Твоя́ свята́я
«Неупивáемая Ча́ша» Божéственных
исцелéний источáет чúдо. Мы же,
внима́ющие сло́ву Твоему́, Влады́чице,
рече́нному к перво́писанней Твое́й
ико́не: «Благода́ть Ро́ждшагося от Мене́
и Моя́ с се́ю ико́ною да бу́дет», — véруем,
я́ко и сия́ ико́на Твоя́ благода́ть Твою́
источáет. Темже, благоговéйно покло-
ня́ющесея, лобыза́ем ю, вопиюще́ Бо́гу:
Аллилу́иа.**





Икос 8

Все уповáние лю́дие, стра́ждущие недúгом пиáнства, на Тя, Влады́чице, возлага́ют. Приклонíся к нéмощем и страстéм нáшим, кто бо нас, грéшных, изведёт из рóва погíбели и нищеты́ духóвныя и телéсныя, áще не Ты, Влады́чице. Сего́ ráди, приклóнше колéна пред Твои́м пречы́стым óбразом, вопиéм Ти та́ко:

Рáдуйся, молéния грéшников не отверга́ющая; рáдуйся, призы́вающим Тя Свою́ небéсную по́мощь ниспосыла́ющая.

Рáдуйся, глубинú милосéрдия Твоего́ грéшным показу́ющая; рáдуйся, отча́янных и безнаде́жных ободря́ющая.

Рáдуйся, одержи́мым стра́стию пиáнства рúку по́мощи прости-



**ра́ющая; ра́дуйся, терпе́ливых
страда́льцев благода́тными да́ры
утеша́ющая.**

**Ра́дуйся, недúги на́ша, душéвныя
и телéсныя, врачу́ющая; ра́дуйся,
сúетныя ра́дости мíра сегó прези-
рати нас науча́ющая.**

**Ра́дуйся, Влады́чице, Неупивáемая
Ча́ше, духо́вную жа́жду на́шу утоляю-
щая.**

Кондак 9

**Всякое естество́ а́нгельское удивíся
дéлу Твоегó милосéрдия, Гóсподи, яко
даровáл еси́ грéшному рóду челове́че-
скому твёрдую Застúпницу и Помóщ-
ницу, к на́шим нéмощем приклоняю-
щуюся, и от гóрькаго недúга пиáнства
свобождáющую, вёрныя же науча́ющую
пéти Бóгу: Аллилу́иа.**



Икос 9

Ветія человѣчестии недоумѣют восхваліти по достоянію славное, Владычице, иконы Твоя явлѣние. Нижѣ мы, грѣшнии, от скверных устен наших возмѡжем принесті достойное похвалѣние Заступнице нашей. Обаче неисчѣтныя чудеса, иконою Твоею являемая видевше, душею и сердцем радуящися, Тебѣ глаголем:

Радуйся, от священнаго лика Твоего чудеса источающая; радуйся, от бед и скорбей скоро избавляющая.

Радуйся, отвергающих Тя посрамляющая; радуйся, от всякаго зла прибегающих к Тебѣ сохраняющая.

Радуйся, кротким сиянием Твоим мрак греха и мглу страстей наших разгоняющая; радуйся, души наша любовью к Тебѣ и Сыну Твоему исполняющая.



Ра́дуйся, на стезю́ покая́ния
нас премудре наставля́ющая;
ра́дуйся, до́браго отве́та пред
Суди́ею Пра́ведным нам усердная
Ходатаице.

Ра́дуйся, Влады́чице, Неупива́емая
Ча́ше, духо́вную жа́жду на́шу утоля́ю-
щая.

Кондак 10

Спасти́ хотя́щи мно́гия стра́ждущия
неду́гом пи́анства, чу́дную ико́ну
Твою́, Богома́ти, дарова́ла еси́, да
все, одержи́мии сею́ стра́стию,
к чудотво́рному о́бразу Твоему́
притека́ют и, получи́вше исцеле́ние, во
умиле́нии взыва́ют Бо́гу: Аллилу́иа.

Икос 10

Стена́ еси́ и щит, Богома́ти, лю́дем,
стра́ждущим недугом пи́анства, и всем,



усердно к Тебѣ притекающим и икону Твою' святую благоговейно чтущим, ибо сию' дарова нам благих податель Господь в помощь и врачевство от губительныя страсти, и сим внушает нам пѣти Тебѣ:

Радуйся, отчаянных Надеждо и печалей наших утолѣние; радуйся, болѣзней душевных и телесных исцелѣние.

Радуйся, нашу скверну чистотою Твоею очищающая; радуйся, Своею благодатию наше недостойнство просвещающая.

Радуйся, брѣние наше тлѣнное в нетлѣние облекающая; радуйся, молѣния наша Твоимъ предстательствомъ подкрепляющая.

Радуйся, в неможѣнии нашемъ нас утверждающая; радуйся, облегчающий нас облакъ страстей скоро разгоняющая.



**Ра́дуйся, Влады́чице, Неупива́емая
Ча́ше, духо́вную жа́жду на́шу утоляю́-
щая.**

Кондак 11

**Пéние на́ше смире́нное, от полноты́
любви́ и усéрдия Тебе́ приносíмое, не
пре́зри, Чíстая, и не отврати́ от отча́яв-
шихся и стра́ждущих недúгом пи́анства
ли́ка Своего́, но помози́ им и нам очí-
ститися от вся́кия сквёрны грехо́вныя,
да возмо́жем досто́йно и пра́ведно пéти
Бо́гу: Аллилу́иа.**

Икос 11

**Светопрíемную свещу́ зрим
Тя, Пресвятáя Дéво, íбо о́браз Тво́й
святýй лучáми благода́ти Твоя́ мглу
грехо́вную прогоняёт и на свéтлую
стезю́ добродéтелей наставляёт,
с véрою зовúщих Ти такова́я:**



**Ра́дуйся, заступлѣнием Твоѣм от
суеты́ міра сегó многмятѣжнаго
нас избавляющая; ра́дуйся, прира-
жѣния страстѣй плотскѣх отражати
нам помогающая.**

**Ра́дуйся, мысль бла́гу в се́рдце на́ше
полагáющая; ра́дуйся, нечѣстную
со́весть на́шу просвещáющая.**

**Ра́дуйся, от мучѣтельнаго недúга
пи́анства стра́ждущих избавляющая;
ра́дуйся, к ѣскреннему пока́нїю
и вразумлѣнїю призывáющая.**

**Ра́дуйся, дýши всех озлóбленных
умягчáющая; ра́дуйся, на по́мощь Тя
призывáющих и ѣмя Твоѣ слáвлящих
спасáющая.**

**Ра́дуйся, Влады́чице, Неупивáемая
Ча́ше, духо́вную жа́жду на́шу утоляю-
щая.**



Кондак 12

Благода́ть Бо́жия, прису́щая ико́не Тво́ей, «Неупива́емая Ча́ша» имену́емой, влече́т к ней, Влады́чице, всех скорбя́щих, обездо́ленных, вдов и ста́риц, а наипа́че же всех стра́ждущих недúгом пи́анства, и не тщётни отхо́дят, Пречи́стая, от неупива́емья ча́ши Тво́их Божéственных дарова́ний, но неоску́дно получа́юще цельбы́ от чудотво́рнаго о́браза Твоего́, Всеблага́я, благода́рственно пою́т Бо́гу: Аллилу́иа.

Икос 12

Пою́ще Твоя́ чудеса́ и ве́лию ми́лость, лю́дем, одержи́мым стра́стию пи́анства, явлéнные, мо́лим Тя, Влады́чице, спаси́ и помíлуй, и наста́ви нас на стезю́ пра́ву, и не оста́ви нас, покрóва Твоего́ и́щущих и зову́щих Ти:

Ра́дуйся, воздержа́нию от





грехá пи́анства всех подви-
за́ющая; ра́дуйся, от пристра́-
стия к вину́ росю́ мило́сти Твоея́
свобождáющая.

Ра́дуйся, стра́ждущих от тяжкаго
грехá пи́анства прísное врачевáние;
ра́дуйся, бédствующим в страстéх
скóрая Помóщнице.

Ра́дуйся, малоду́шных дíвное обод-
ре́ние; ра́дуйся, благоду́шных вéлия
ра́досте.

Ра́дуйся, гóрдых смиря́ющая;
ра́дуйся, смире́нная возвыша́ющая
и всем спасéния желáющая.

Ра́дуйся, Влады́чице, Неупивáемая
Ча́ше, духо́вную жа́жду на́шу утоля́ю-
щая.

Кондак 13

О Премíлостивая Мáти Сладча́й-
шаго Го́спода на́шего Иисúса Христá!



Нынешнее наше услыши моление и избави нас от всех недугов, душевных и телесных, наипаче же свободи страждущих недугом пьянства рабов Твоих (имена), да не во зле погибнут, но да спасенныя Тобою присно вопиют Богу: Аллилуиа.

Этот кондак читается трижды.

Икос 1

Ангельстии чини и праведников сонми непрестанно славят Тя, Царицу Богородицу, Ходатаицу о многогрешнем роде христианstem, погрязшем в беззакониих и пребывающем во гресех, ибо во утешение и спасение даруеши ему милость Свою чрез многоименуемая чудотворныя иконы Твоя, ихже, яко звезды Небесныя по всей земли нашей зрим; к единому же из сих образов, «Неупиваемая Чаша» именуе-



**мому, припадающе, из глубины́ сердца
взываем Ти:**

**Рáдуйся, непристúпнаго Божествá
селéние; рáдуйся, непрестáнное
людéй удивлéние.**

**Рáдуйся, скорбьми́ грехи́ нáша
очищáющая; рáдуйся, печáльми нáша
нéмощи врачúющая.**

**Рáдуйся, милость Свою́ чрез чудо-
твóрныя икóны Твоя́ нам свýше
посылáющая; рáдуйся, явлéнием
их скóрбныя сердца́ нáша возвесе-
ляющая.**

**Рáдуйся, пречúдное всех с Бóгом
примирéние; рáдуйся, геénны вéчныя
избавлéние.**

**Рáдуйся, Влады́чице, Неупивáемая
Чáше, духóвную жáжду нáшу утоляю-
щая.**



Кондак 1

Избрáнное и дивное избавлѣние нам даровáся — Тво́й о́браз честнѣй, Влады́чице Богорóдице, я́ко избáвльшеся явлѣнием егó от недúгов душѣвных и телѣсных и скóрбных обстоя́ний, благодарственна́я хвалѣния принóсим Ти, всеми́лосѣрдная Застúпнице. Ты же, Влады́чице, Неупивáемою Чáшею нáми именúемая, приклон́ися благоутрóбно к нáшим воздыхáнием и вóплем сердѣчным, и избавлѣние подáждь стра́ждущим недúгом пиáнства, да с вѣрою воззовѣм Ти:

Рáдуйся, Влады́чице, Неупивáемая Чáше, духóвную жáжду нáшу утоля́ющая.



Молитва

О премилосёрдная Владычице!
К Твоему заступлению ныне прибегаем,
молений наших не презри, но милос-
тивно услыши нас: жен, детей, матерей
и тяжким недугом пианства одержимых
(имена), и того ради от матери своея —
Церкве Христова, и спасения отпада-
ющих, братьев и сестер и сродник наших
исцели. О милостивая Мати Божия,
коснися сердец их и скоро возстави
от падений греховных, ко спаситель-
ному воздержанию приведи их. Умоли
Сына Своего, Христа Бога нашего, да
простит нам согрешения наша и не
отвратит милости Своея от людей
Своих, но да укрепит нас в трезвении
и целомудрии. Приими, Пресвятая
Богородице, молитвы матерей, о чадах
своих слезы проливающих, жен,
о мужех своих рыдающих, чад, сырых



и убо́гих, заблúждшими оста́вленных,
и всех нас, к ико́не Твоёй припа́да-
ющих. И да при́дет сей во́плъ наш,
моли́твами Твои́ми, ко Престо́лу
Всеви́шняго. Покрýй и соблюди́ нас
от лука́ваго ловле́ния и всех ко́зней
вра́жиих, в стра́шный же час исхо́да
на́шего помози́ пройти́ непреткнове́нно
возду́шныя мýтарства, моли́твами
Твои́ми изба́ви нас ве́чнаго осужде́ния,
да покрóет нас ми́лость Бо́жия в нескон-
ча́емые ве́ки веко́в. А́минь.

Величание

Велича́ем Тя, / Пресвята́я Де́во, /
Богоизбра́нная Отрокови́це, /
и чтим о́браз Твой святы́й, /
и́мже то́чиши исцеле́ния // всем
с ве́рою притека́ющим.



Расписание чтения акафистов

ПН	2:00, 8:00, 14:00, 20:00	Михаилу Архангелу
	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
<hr/>		
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому
<hr/>		
СР	2:00, 8:00, 14:00, 20:00	Б. М. «Неупиваемая Чаша» ←
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
<hr/>		
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
<hr/>		
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
<hr/>		
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	за единоумершего
	3:00, 9:00, 15:00, 21:00	Б. М. «Казанская»
<hr/>		
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё